



(Bulan April Tahun 2023)

جابتن حال احوال اکام اسلام قولو قینغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Khutbah sempena Nuzul Quran

Al-Quran: Jati Diri Umat Islam

(7 April 2023M/ 16 Ramadan 1444H)

الْحَمْدُ لِلَّهِ الَّذِي اخْتَصَّ شَهْرَ رَمَضَانَ بِمَزِيدٍ مِنَ الْفَضْلِ وَالْإِكْرَامِ،
وَجَعَلَهُ مَوْسِمًا لِتَحْقِيقِ التَّقْوَى وَالتَّلَحُّصِ عَنِ الْآثَامِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْمَلِكُ الْعَلَّامُ،
وَأَشْهَدُ أَنَّ نَبِيَّنَا مُحَمَّدًا عَبْدُهُ وَرَسُولُهُ سَيِّدُ الْآثَامِ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ الْكَرَامِ.
أَمَّا بَعْدُ؛ فَيَا أَيُّهَا النَّاسُ؛ أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ تَتَّقُونَ.

SIDANG MUKMININ RAHIMAKUMULLAH,

Bertakwalah kepada Allah **سُبْحَانَهُ وَتَعَالَى** dengan melaksanakan segala amalan yang mendekatkan diri kita kepada-Nya. Lakukanlah dengan bersungguh-sungguh dan istiqamah sehingga ke akhir hayat. Sebelum melanjutkan bicara, marilah kita memberikan sepenuh tumpuan kepada isi kandungan khutbah hari ini. Jangan berbual-bual, tidur dengan sengaja, bermain telefon bimbit dan menggerakkan tabung kutipan Jumaat kerana ia bertentangan dengan sunnah serta adab.



Mimbar pada minggu ini ingin mengangkat tajuk “**Al-Quran: Jati Diri Umat Islam**” untuk kita tadabbur bersama, insya-Allah.

SIDANG MUSLIMIN RAHIMAKUMULLAH,

Peristiwa Nuzul Al-Quran yang berlaku pada malam Jumaat, 17 Ramadan tahun ke-41 daripada kelahiran Rasulullah ﷺ ini, telah membawa sinar kepada seluruh manusia yang ketika itu sedang berada dalam kegelapan jahiliah. Bermula dari peristiwa itu, zaman yang penuh dengan kegelapan telah berubah wajah dengan pancaran cahaya Iman dan Islam. Era sesat dan batil telah bertukar kepada kebenaran dan keadilan. Manusia yang dahulu hidupnya bertuhankan hawa nafsu, kini beralih kepada menyembah Allah ﷻ yang Maha Esa.

Sesungguhnya penurunan Al-Quran pada bulan Ramadan sejak lebih 1,400 tahun lalu telah menyelamatkan manusia daripada melakukan tabiat atau tingkah laku yang tidak selari dengan fitrah mereka sendiri. Ia menjadi inspirasi ke arah kebaikan kerana di dalamnya penuh dengan ayat-ayat yang mampu mengubah sikap manusia kepada sesuatu yang baik dalam hidup mereka.

Amirul Mukminin Saiyyidina Umar Ibni Al-Khattab رَضِيَ اللهُ عَنْهُ misalnya yang dikenali sebagai seorang yang bengis dan amat membenci Rasulullah, telah menemui jalan terbaik dalam hidupnya apabila dipertemukan dengan Al-Quran sehingga akhirnya diberi hidayah. Menariknya, Umar telah memeluk Islam hanya kerana mendengar beberapa potong ayat Al-Quran daripada surah Taha ayat 1-5.



Al-Quran adalah kalam Allah yang merupakan mukjizat terbesar Nabi Muhammad ﷺ yang menjadi kewajiban ke atas Baginda menyampaikannya buat semua umat. Tidak ada manusia sekalipun pakar bahasa atau sasterawan ulung yang mampu mendatangkan ayat-ayat yang setanding dengannya. Inilah Al-Quran yang sentiasa berada bersama-sama kita sama ada secara fizikal (*mushaf*) mahupun secara hafazan yang dibaca dalam solat dan selainnya.

Al-Quran merupakan kitab suci yang istimewa, sesiapa yang membacanya walaupun tanpa difahami tetap akan dikurniakan pahala membacanya, lebih-lebih lagi dibaca dalam bulan Ramadhan Al-Mubarak ini. Semoga kita terpilih untuk menjadi teman Al-Quran yang mendapat syafaatnya. Sabda Nabi ﷺ yang bermaksud:

“Bacalah Al-Quran kerana Al-Quran akan datang pada Hari Kiamat untuk memberikan syafaat kepada para pembacanya.”

﴿Hadis Riwayat Muslim﴾

MUSLIMIN YANG DIKASIHI ALLAH سُبْحَانَهُ وَتَعَالَى،

Al-Quran selain menjadi syiar Islam, ia juga merupakan wadah untuk memperkukuhkan jati diri umat Islam dalam mendepani sebarang cabaran. Jati diri umat Islam adalah sikap yang telah sehati dengan diri seseorang muslim sama ada berbentuk dalaman atau luaran. Al-Marhum Dr. Yusuf Al Qaradhawi pernah menyatakan bahawa Al-Quran merupakan kitab yang secara keseluruhannya menjadi asas kepada

agama yang melengkapi perbahasan akidah, ibadah dan akhlak. Firman Allah **سُبْحَانَهُ وَتَعَالَى** dalam surah An-Nahl ayat 89:

... وَنَزَّلْنَا عَلَيْكَ الْكِتَابَ تِبْيَانًا لِّكُلِّ شَيْءٍ وَهُدًى وَرَحْمَةً وَبُشْرَىٰ لِلْمُسْلِمِينَ ﴿٨٩﴾

Maksudnya: “...dan Kami turunkan kepadamu Al-Quran menjelaskan tiap-tiap sesuatu dan menjadi hidayah petunjuk, serta membawa rahmat dan berita yang menggembirakan bagi orang-orang Islam.”

SIDANG JUMAAT YANG DIMULIAKAN ALLAH,

Dalam memahami bagaimana Al-Quran dapat mengubah atau mengukuhkan jati diri seorang muslim, maka penting untuk kita menghayati tujuan Al-Quran diturunkan. Antaranya:

Pertama: Al-Quran sebagai nasihat yang berguna dan penawar yang mujarab kepada penyakit hati. Firman Allah **سُبْحَانَهُ وَتَعَالَى** dalam surah Yunus ayat 57:

يَا أَيُّهَا النَّاسُ قَدْ جَاءَتْكُمْ مَوْعِظَةٌ مِّن رَّبِّكُمْ وَشِفَاءٌ لِّمَا فِي الصُّدُورِ وَهُدًى وَرَحْمَةٌ
لِّلْمُؤْمِنِينَ ﴿٥٧﴾

Maksudnya: “Wahai umat manusia! Sesungguhnya telah datang kepada kamu Al-Quran yang menjadi nasihat pengajaran dari Tuhan kamu, dan yang menjadi penawar bagi penyakit-penyakit batin yang ada di dalam dada kamu, dan juga menjadi hidayah petunjuk untuk keselamatan, serta membawa rahmat bagi orang-orang yang beriman.”

Kedua: Al-Quran membawa kisah-kisah tentang umat-umat zaman silam agar dijadikan iktibar bagi orang-orang yang berakal, di samping mengesahkan kandungan kitab terdahulu. Firman Allah dalam surah Yusuf ayat 111:

لَقَدْ كَانَ فِي قَصَصِهِمْ عِبْرَةٌ لِأُولِي الْأَلْبَابِ مَا كَانَ حَدِيثًا يُفْتَرَى وَلَكِنْ تَصْدِيقَ الَّذِي
بَيْنَ يَدَيْهِ وَتَفْصِيلَ كُلِّ شَيْءٍ وَهُدًى وَرَحْمَةً لِّقَوْمٍ يُؤْمِنُونَ ﴿١١١﴾

Maksudnya: “Demi sesungguhnya, kisah Nabi-Nabi itu mengandungi pelajaran yang mendatangkan iktibar bagi orang-orang yang mempunyai akal fikiran. (Kisah Nabi-Nabi yang terkandung dalam Al-Quran) bukanlah ia cerita-cerita yang diada-adakan, tetapi ia mengisahkan apa yang tersebut di dalam kitab-kitab agama yang terdahulu daripadanya, dan ia sebagai keterangan yang menjelaskan tiap-tiap sesuatu, serta menjadi hidayah petunjuk dan rahmat bagi kaum yang (mahu) beriman.”

HADIRIN YANG DIRAHMATI ALLAH SEKALIAN,

Ketiga: Al-Quran sebagai peringatan dan amaran daripada Allah **سُبْحَانَهُ وَتَعَالَى**. Firman Allah dalam surah Ibrahim ayat 52:

هَذَا بَلَاغٌ لِلنَّاسِ وَلِيُنذَرُوا بِهِ ۖ وَلِيَعْلَمُوا أَنَّمَا هُوَ إِلَهٌ وَاحِدٌ وَلِيَذَّكَّرَ أُولُو الْأَلْبَابِ ﴿٥٢﴾

Maksudnya: “(Al-Quran) ini disampaikan kepada manusia supaya mereka diberi peringatan dan diberi nasihat dengannya; dan supaya mereka mengetahui (dengan hujah-hujah yang tersebut di dalamnya) bahawa sesungguhnya Allah ialah Tuhan yang Maha Esa; dan supaya orang-orang yang mempunyai fikiran, beringat dan mengambil iktibar.”

Seterusnya **yang Keempat**, Al-Quran sebagai peneguh iman dan berita gembira buat kaum muslimin. Firman Allah **سُبْحَانَهُ وَتَعَالَى** di dalam surah An-Nahl ayat 102:

قُلْ نَزَّلَهُ رُوحُ الْقُدُسِ مِنْ رَبِّكَ بِالْحَقِّ لِيُثَبِّتَ الَّذِينَ ءَامَنُوا وَهُدًى وَبُشْرَى لِلْمُسْلِمِينَ ﴿١٠٢﴾

Maksudnya: *“Katakanlah (wahai Muhammad): Al-Quran itu diturunkan oleh Ruhul Qudus (Jibril) dari Tuhanmu dengan cara yang sungguh layak dan berhikmah, untuk meneguhkan iman orang-orang yang beriman, dan untuk menjadi hidayah petunjuk serta berita yang menggembirakan bagi orang-orang Islam.”*

Dengan memahami hikmah penurunan Al-Quran, ia menjadikan kita mukmin yang lebih mampu menghayati isi kandungan Al-Quran yang mulia. Tiada cara lain untuk mencapai maksud Al-Quran diturunkan melainkan dengan mendampinginya, membacanya dan mengambil pengajaran lalu disusuli dengan penghayatan dan amalan.

MUSLIMIN YANG DIRAHMATI ALLAH SEKALIAN,

Mimbar ingin menegaskan bahawa sesungguhnya peluang untuk membaca Al-Quran serta menyelidiki hikmah yang terkandung di dalamnya adalah sesuatu yang wajib ke atas umat Islam sendiri. Oleh itu, khatib menyeru semua pihak dalam keberkatan Ramadhan yang mulia ini, marilah kita sama-sama mengambil manfaat untuk meningkatkan ketakwaan dan mengubah segala kelakuan buruk kita ke arah yang lebih baik serta diredai Allah **سُبْحَانَهُ وَتَعَالَى**.

Khatib juga mengingatkan diri sendiri dan sidang Jemaah agar menjauhi salah satu perkara yang boleh mengurangkan keberkatan Ramadhan iaitu sifat membazir. Sehubungan itu, bersama-sama kita memastikan program-program berbuka puasa di masjid, surau atau di mana-mana sahaja dapat dirancang dengan baik. Elakkan sebarang pembaziran makanan termasuk juga di rumah kita. Ingatlah nasib sebahagian saudara kita yang berbuka atau bersahur dalam serba kekurangan. Firman Allah menerusi Surah al-Isra' ayat 27 jelas menegaskan:

إِنَّ الْمُبَذِّرِينَ كَانُوا إِخْوَانَ الشَّيْطَانِ ۖ وَكَانَ الشَّيْطَانُ لِرَبِّهِ كَفُورًا ﴿٢٧﴾

Maksudnya: “Sesungguhnya orang-orang yang boros itu adalah makhluk yang sangat kufur kepada Tuhannya.”

SIDANG JEMAAH YANG DIMULIAKAN ALLAH SEKALIAN,

Mengakhiri khutbah, marilah kita hayati rumusan hikmah nuzul Al-Quran seperti berikut:

Pertama: Al-Quran adalah mukjizat terbesar Nabi Muhammad ﷺ. Ia menjadi rujukan dan penawar paling mujarab dalam membentuk jati diri muslim yang sejati.

Kedua: Al-Quran diturunkan sebagai peringatan dan amaran, juga bagi meneguhkan iman dan sebagai hidayah petunjuk bagi umat Islam.

Ketiga: Kandungan ajaran Al-Quran adalah bersifat mukjizat. Ia sentiasa relevan merentasi zaman dan tempat sekalipun telah diturunkan lebih 1,400 tahun yang lalu.



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.





خطبة كدوا بولن أفريل

2023M/ 1444H

الْحَمْدُ لِلَّهِ عَلَى أَلَايِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.



Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾